

۱ رجب سنه ۱۳۳۵

پنجشنبه

۲۶ نيسان سنه ۱۳۳۳

صاحب امتياز و مدير مسئول حسن كاظم

ملت غمايه — امت اسلاميه ايجون . نبيد اولان آثاره
صحيفه لر من آجيقدر درج ايدليان اوراق اعاده ايدلاره

استنبولده باب عالي جوارنده ابوالمود جاده سنده
نجم استقبال مطبعه سنده اداره خانه من اصحاب
مراجعه هر ساعت آجيقدر

نجم اسلاميه

شمديك اون بش كونده بر نشر اولنور

سر محمدي: مصطفى فوزي

تاريخ تأسيس ۱۳۲۷ سنه هجري

سنه لك اعتباريله ممالك شاهانه ايجون پشين
اوله رق ۴۰ التي ايلفي ۲ غروش ومالك

اجنيه ايجون ۱۵ فرانقدر .

تلفون نومروسي : ۱۰۹۷

نسخه سي ۱ غروش

تصوفي ، ديني ، اخلاقي ادبي ، سياسي جريده اسلاميه در

نومرو ۱۲۷

مَقَالَات

قادينلر مارك تحصيل و تربيه سى

« اما النساء شقائق الرجال »

قادينلر ار ككرك شق درلر

رسالتبناه افندمرك فم سعادتلرندن شرفصودور ايدن بو حديث عالي،
سوسيولوژى علماسى ايچون بك بيوك بررهبر تكامل ، دستور اساسى
اولايله جك زنكبن ، واسع ، برماهيتده در .

بوكون هميز كوربيور و تقدير ايدبيورزكه برملك ترقى و تكامل
اوملك صنايع نفيسه سى وقادينلرينك ترقبيله اولچوليور . بناء عليه
مراهانكى بر هيئت اجتماعيه نك درجه ترقى و تكاملنه ميزان اولان شى
قادينلر در .

قادينلر ار ككرك حقى اولديغى نصديق و تقدير ايدن ملنلرده
بر حيات مشتركة سى و فعاليت باشلر كه اولر ايچون شهرام ترقى آچيقدور .
جمعيت بشريه بى ذروه تكامله ايسال ايدن فكر عدالتيرسى ، مسا
وات حقوق كى مهم نقطه لره رعايت ايتك ، انجق قادينلرى ذلت
واسارتدن قورتاردق اولرى انسانلقلرى حس ايتكدن منع و حقوق
اجتماعيه لرندن محروم ايتمه مكله اولاييلير .

قادينلر بر هيئت اجتماعيه نك يكانه عضو متحسى درلر . امور
مشكله قارشوسينده بولنديغيز زمان قادينلر من بزه متانت و برمكه
قلمسايدرق بى ايتحامنده دوچار ياس ونوميدى اولديغيز نقطه لرده
تشجيع ايدم جكاردر .

بو كى وظائف مقدسه ايله موظف اولانلره قيمت اجتماعيه لرلى
و برمكه دوچار تردد اولق دوغرى بر حركت صاييلاماز .

قادينلر مارك سويو فكر و عرفانى بوكسلكم ايچون هر حالده
اولرى تحصيل و تربيه دن محروم ايتمه مليز ؛ اولرى تحصيلدن محروم
ايتك انسانلقدن محروم اولمالرينه راضى اولق ديمكدركه بونى بيلهرك
قبول ايدم جك هيچ بر صاحب عقل و اذعان تصور ايديله من .

عصر لرك دماغمزه بيندينى (قادينلر ك او قوماملرى او قومالريندن
اولادر) كى جاهلان كهنه عندى نظريه لر بو عصر ترقيدم بزه نقرات
تسلى اولاماز .

بوسوزك شمدي به قدر برايلكنى دكل بك چوق فالغنى كوردك ،
آراق متنبه اولسامن لازم كابر . تحصيل علم و عرفان ايله تزيين ذات
وصفات ايله مش بر قادينك ، بر انسانك يلك وايچمه سيله انسانلغه حكيم
ايدبان جاهل ، خصائل بشريه دن محروم قادينلرله مقايسه ايدلمكه
قاليلماسى غايت كولنج برشى اولور .

تحصيل كوزمش قادينلر ك تشكيل ايدم جكارى عائله اوجاقلرنده

كلنجه سن تميزه كوروندى سبر حيوانى
بلوغه ايرديكم آنده سورولدى دور شيطانى
ظهور ايتدى بتون اخلاق حيوانيه نفسنده
بروز ايتدى بتون اطوار شيطانيه كنندمه
تحقق ايتدى اسفللك زمين سجن فترده
تنزلر تمام اولدى سهاى سخن لطارته
نزول اسفل آتام ايدنجه دور اولده
توقف لابق اولزدى بكا اوطور اسفله
آنكه چون رجعت ايتك اصلمه لابق و لازمدى
ترقى و رجوعه سرعت ايتك بك نيازمدى
تعلق نسبتى لكن حجاب و بار اعظمدى
تعلق ايتديكم اشيا كى تنويرده وظيفه مدى
ايريشمزدى اكر چه ذاته هيچ بر حجاب ، پرده
نجلى ايتدم اجسام و صورتن همه هر پرده
ولكن ماسوا صورتده اسانندن فراغ ايتدى
تجليلر تعلق نسبتيله انصباع ايتدى
بو صورتله تكثير كوستروب نقطه خطوط اولدى
خيالات عوالم حالت جواله دن طولدى
بن اول بى رنك و بى صورتكن اخفاى بطوننده
تلونلى كوروندم مظهر صورتموننده
مظاهر رنكنى ترك ايتمدن بوسجن اسفله
رجوعه ابتدار ايتدم عقيب دور اولده
نزول وحدت و وحدته كترتن اشارتدى
عروج كثر و كترته وحدتن كنائتدى
بومكوسى دورمده اظهار ايتدى مشكلر
مظاهر رنكنى بنده ارائه ايتدى انكلر
او مانع لرك رنكارنك و فردا فرد مظاهردى
ترقى بطونه انكل اولق بك دم مظاهردى
بومشكل سبرى اكل ايچون تشمير ساق ايتدم
بو يوله سابقن اولينه التبحاق ايتدم

مابعدى وار مصطفى فوزى

تربیه ابتدائی بی آلان اولاد وطن ایله بونک عکسی اولا برعائله ایچنده (اومماچی کلیور) تهدیدیه شخصیت و منات مغویه سی ازیلنلر اراسنده کی فرق علم ایله جهالت بیننده کی فرق عیندر .

جهلک علمه ترجیحی بوش و موازنه سز دماغلرک حکم قره قو- شیسندن باشقه برشیته دلالت ایتمدیکی و عقلی دشمن عقلسز دوستدن یکدر ضرب مثلی پک اتیلاجق سوزلردن اولمادیجی جمله مزک تحت تصدیقنده در .

ارباب فکر و ادعائی سنلرجه دوشوندیرمش اولان قادینلرک تحصیل مسئله سی سلامت ملت نامنه کوندن کونه شایان شکران و ممنونیت بر شکل ترقی الیور . یا یختدن بدأ ایله بتون ولایات ، الویه ، قضاار و حق نواحی ده بیله کون بکون انات ابتدائی ، رشدی مکاتبی ، دارالمعلماتلر اچیلور و هپسیده مشتاق علم و کمال طالبات ایله طولو بولنیور . هر سینه بودارالعرفانلردن نشأت ایدمجه ک قزلرمن هیئت اجتماعییه من ایچمه مجهز علم و هرفان اولارق قاریشیرلرسه او زمان ایش کندینی کور- سترمجه ک . ملت لایق اولدینی ترقیه واصل اولاجق . بر الک شقیردیمی جیقمایه جفی وقادین ارککک شق اولماسی ایچون قادینلرک ده تحصیل کورمه سی لازم کله چکی حقیقی میدان حقیقه جقدر .

اخلاق

انسان ایچونک زیاده مدار شرف و مفخرت ، سرمایه عز و سعادت حسن اخلاقدر . اخلاقی مدوخ اولان هر کس تزدنده مقبول و محترم اخلاقی مقدوح بولنان جمله غندنده مدخول و متهم اولور .

حسن اخلاق ، صاحبی هر درلو تجلیات و اعزازات ایله بکام و مسعود ، سوء اخلاقده صاحبی کرداب فلاکت و مصیبتلره دوشورمکله برابر هر کس تزدنده بدنام و مردود قیلار .

حسن اخلاق ، جمله تزدنده مرغوب و محبوب ، سوء اخلاق صاحبی ده عامه تزدنده محجوب و معیوب اولور .

حسن اخلاق ، صاحبی هر صورته قرین نصاب مجد و شرف ، سوء اخلاقده صاحبک اولانجه نقدینه امید و موجودیتی محو و سرف ایدر . حسن اخلاق ، صاحبی هر درلو آماله موفقیته کامران ، سوء اخلاقده صاحبی محرومیتلر ، یأس و مغمومیتلر ایچنده مضطرب و بریشان قیلار .

حسن اخلاق ، صاحبک انواع فیض و تجلیاته مظهریتی اعداد و تأمین ، سوء اخلاقده صاحبی نیجه مخاطرات و مشکلاته معروض براققله برابر درکات سفلیه نک الک آشاخی طبقه سنده ابد نشین قیلار . حسن اخلاق اصحابنه ، هر درلو خزائن غییة الهیه کشاد ، سوء اخلاق اربابنه ده بتون ابواب فیض و فتوحات السداد ایدیلور .

حسن اخلاق ، صاحبی مرفه الحال و منشرح البال ، سوء اخلاقده صاحبی معدوم النوال محروم الآمال قیلار .

حسن اخلاق ، صاحبی انبساط جان ، حضور وجدان ایله

امرار اوان ایندیرر . سوء اخلاقده صاحبی هر کسک تحقیرات و تشنیعاتنه ، تلعنات و تقیحاتنه آماج قیلهرق دنیاه کلدیکنه یشیان ایدر . حسن اخلاق ، صاحبی جناب حق نیجه تجلیات و توفیقانه مستغرق ، سوء اخلاقده صاحبی انواع عقوبات و مخاراته دوچارله برابر حما آلود عذابلره مستحق قیلار .

الحاصل مکارم اخلاق اولیه برموهیه جناب خلاقدرکه اکا شرف اقتران و انتساب ایدن سعادت دارینه مظهریتله کامیاب و مساوی اخلاقده اولیه بر صفت مذمومه وردیته درکه اما صاحبی اولان هر ایکی جهانده هر درلو مسعودیت و نعمتلردن محرومیتله قرین خسران بی حساب اولور .

شو حالده اخلاق مضبوطیت و مقبولیتی صاحبی ایچون پک بیوک بر شرف و نجات تأمین و لاتحصی بر عز و نباهت تثبیت و تبیین ایلر .

حسن اخلاق ؛ استقامت ، منات ، عزم و ثبات ، صدق و امانیت ، وفا و مرؤت ، حقوقه رعایت ، مرحمت و رأفت ، عدل و حقانیت ، بیوکاره اطاعت و حرمت ، کوچکاره شفقت ، منسلک اولدینی وظیفه به کمال عشق و غرام ایله مداومت ، انسانیتنه ، وطنه خدمت ، کذب و دروغنود ، حیل و دسایسندن ، احتراصات شخصیه دن ، نفاق و شقاقندن مجانبت کی احوال و اوصافی احتوا ایتمدیکی ایچون بواساساتی هر انسان کندیمی ایچون مابه التطبيق اتخاذ ایتمک لازم و موجب فلاکت و مذات و مستوجب خبیت و محرومیت اولان سوء اخلاقندن نوقی ایتمک واجبدر . قسطمونوی ولایتی مکتوبیحیسی

لطیفی

الکتابت

سر آمدان شعرای عصر دن سلا نیک والی سابق محمد ناظم پاشا حاضر المری نک غزل صوفیانه لرینی تخمیس :

عاشقز راه محبتده شتابان کیدرز

گاه جمعیت ایله گاه بریشان کیدرز

بی کم و بی جهت و بی دل و بی جان کیدرز

انسکاه حرم صحنه پنهان کیدرز

مست و شوریده و سرکشته و حیران کیدرز

آتش عشق ایله یاق صوفی دل بی پاکی

اشک چشمکله قویار دلدل اولان خاشاکی

حرم قره قومازلر بیلورز ناباکی

دوش هستیدن اتوب نوب هس وادراکی

بزم تجریده سیکبار اولور صربان کیدرز

عارفانه نفس حکمتک فیضندن

عاشقانه دل بر صفوتک فیضندن

لی مع الله کیروب وحدتک فیضندن